

|   |           |
|---|-----------|
| <b>LEDDSETNINGAR.....</b>               | <b>2</b>  |
| <b>Forteljande leddsetningar .....</b>  | <b>2</b>  |
| <b>Spørjande leddsetningar .....</b>    | <b>4</b>  |
| <b>Adverbiale leddsetningar .....</b>   | <b>7</b>  |
| <b>Som-setningar .....</b>              | <b>9</b>  |
| <b>Ordstilling i leddsetningar.....</b> | <b>10</b> |

## LEDDSETNINGAR

Ei setning som er ledd i ei anna setning, kallar vi ei **leddsetning**. Leddsetninga blir ofte knytt til ei heilsetning ved hjelp av ein subjunksjon, f.eks. **fordi, når, at**:

Carmen flytta til Noreg **fordi ho er gift med ein nordmann**.

Ho vil få seg jobb **når ho har lært norsk**.

Arne fortel **at maten er god**.

Leddsetninga har verbal og subjekt, men kan ikkje stå aleine.

Leddsetninga **fordi ho er gift med ein nordmann** gir ikkje meining aleine. Vi ventar å høyre meir.

### Forteljande leddsetningar

Ei forteljande leddsetning knyter vi til heilsetninga ved hjelp av subjunksjonen **at**. Subjektet kjem like etter **at**.

| Forteljande heilsetning     | Forteljande leddsetning                            |
|-----------------------------|--|
| Maten er god.               | Arne seier <b>at maten er god</b> .                |
| Boka er bra.                | Arne fortel <b>at boka er bra</b> .                |
| Filmen begynner klokka sju. | Arne svarte <b>at filmen begynner klokka sju</b> . |

**Merk!** Det heiter å **fortelje at, å seie at, å svare at**.

### 1

**Gjer setningane om til forteljande leddsetningar.**

Carmen er kona hans. Arne seier at \_\_\_\_\_.

Luisa går på skule i byen. Arne fortel at \_\_\_\_\_.

Leo er tolv år. Arne svarer at \_\_\_\_\_.

Ålesund er ein fin by. Arne seier at \_\_\_\_\_.

Huset er raudt. Arne svarer at \_\_\_\_\_.

Det snør i dag. Arne seier at \_\_\_\_\_.

Bilen er ny. Arne fortel at \_\_\_\_\_.

## Direkte og indirekte tale

I direkte tale fortel vi **nøyaktig** kva ein person seier. Det er personen sjølv som snakkar.

Direkte tale markerer vi ved å bruke kolon, :, og hermeteikn, ”.

Ved indirekte tale fortel vi kva **ein annan person** har sagt. Då må vi ofte skifte pronomen i leddsetningane.



| Direkte tale                                       | Indirekte tale                                     |
|--|--|
| Arne seier: ” <b>Eg</b> vil lære spansk.”          | Arne seier at <b>han</b> vil lære spansk.          |
| Luisa og Leo seier: ” <b>Vi</b> liker å ha ferie.” | Luisa og Leo seier at <b>dei</b> liker å ha ferie. |
| Carmen seier: ”Arne er mannen <b>min</b> .”        | Carmen seier at Arne er mannen <b>hennar</b> .     |

## 2

### Kva seier dei?

”Eg liker å spele fotball.”

Leo seier at \_\_\_\_\_.

”Eg er 17 år gammel.”

Luisa seier at \_\_\_\_\_.

”Eg er lege.”

Carmen seier at \_\_\_\_\_.

”Eg er glad i kona mi.”

Arne seier at \_\_\_\_\_.

”Luisa er storesystera mi.”

Leo seier at \_\_\_\_\_.

”Eg kjem snart!”

Luisa roper at \_\_\_\_\_.

### Utsegnsvorb i preteritum

Når vi gjer om direkte tale til indirekte tale, må vi passe på at verba i begge setningane står i same tid.

Viss utsegnsvorbet er i preteritum, f.eks. **spurde** eller **sa**, må verbet i leddsetninga også stå i ei preteritumsform:

| Direkte tale                                      | Indirekte tale                               |
|---|--|
| Carmen sa: "Eg <b>les</b> ."                      | Carmen sa at ho <b>las</b> .                 |
| Leo sa: "Maten <b>er</b> god."                    | Leo sa at maten <b>var</b> god.              |
| Arne spurde: " <b>Skal</b> eg <b>lage</b> kaffi." | Arne spurde om han <b>skulle lage</b> kaffi. |

### 3

#### Gjer setningane om til indirekte tale med verba i preteritum.

|                                      |                         |
|--------------------------------------|-------------------------|
| Han fortalde: "Ho bur på Cuba."      | Han fortalde at _____.  |
| Ho sa: "Eg liker å lage mat."        | Ho sa at _____.         |
| Han sa: "Eg elsker deg."             | Han sa at _____.        |
| Ho sa: "Eg vil ha is."               | Ho sa at _____.         |
| Han sa: "Vi må gå."                  | Han sa at _____.        |
| Mora fortalde: "Vi er heime."        | Mora fortalde at _____. |
| Ho spurde: "Vil du bli med på kino?" | Ho spurde om _____.     |
| Ho sa: "Eg lurar på om han kjem."    | Ho lurte på om _____.   |
| Leo spurde: " Kan eg få ein is?"     | Han spurde om _____.    |

### Spørjande leddsetningar

Ei spørjande leddsetning knyter vi til ei heilsetning ved hjelp av **om**:

| Spørjesetning           | Spørjande leddsetning                 |
|-------------------------|---------------------------------------|
| <b>Er</b> maten ferdig? | Arne spør <b>om maten er ferdig</b> . |
| <b>Kjem</b> Carmen?     | Arne spør <b>om Carmen kjem</b> .     |

**Merk!** Det heiter å **spørje om**, **lure på om**.

## 4

**Gjer spørjesetningane om til leddsetningar.**

Forstår ho? Han lurar på \_\_\_\_\_.

Blir det fint vår i morgon? Luisa lurar på \_\_\_\_\_.

Er dei svoltne? Carmen spør \_\_\_\_\_.

Er spansk vanskeleg? Arne lurar på \_\_\_\_\_.

Har dei lunsjpause? Luisa spør \_\_\_\_\_.

Har nokon sett boka mi? Leo spør \_\_\_\_\_.

Er dette bilen hennar? Arne spør \_\_\_\_\_.

## 5

**Set inn *om* eller *at*.**

Leo veit ikkje \_\_\_\_\_ han kan kome på trening i kveld.

Arne seier \_\_\_\_\_ Luisa må kome heim klokka 23.00.

Luisa spør \_\_\_\_\_ ho kan få vere ute ein halv time til.

Carmen seier \_\_\_\_\_ Luisa ikkje får lov.

Dei vil gjerne vite \_\_\_\_\_ vi liker å bu i Noreg.

Vi lurar på \_\_\_\_\_ du har klart å løyse oppgåva.

Han spurde \_\_\_\_\_ noko veldig viktig.

Dei visste \_\_\_\_\_ det kom til å gå bra.

**Spørjeord som subjunksjon**

Når ei spørjesetning opnar med eit spørjeord, bruker vi **spørjeordet** til å knyte saman setningane. Spørjeordet fungerer då som subjunksjon i setninga. Subjektet kjem rett etter spørjeordet:

| Spørjesetning                        | Spørjande leddsetning                              |
|--------------------------------------|--|
| <b>Kva</b> heiter han?               | Arne spør <b>kva</b> han heiter.                   |
| <b>Kven</b> er det?                  | Arne spør <b>kven</b> det er.                      |
| <b>Når</b> kjem han?                 | Arne lurar på <b>når</b> han kjem.                 |
| <b>Kor mange eple</b> har du?        | Arne spør <b>kor mange eple</b> eg har.            |
| <b>Kva for ei bok</b> liker ho best? | Arne vil vite <b>kva for ei bok</b> ho liker best. |

## 6

**Bruk spørjeord som subjunksjon.**

|                               |                         |
|-------------------------------|-------------------------|
| Kva sa han?                   | Eg høyrde ikkje _____.  |
| Når begynner filmen?          | Carmen spør _____.      |
| Kvar bur dei?                 | Leo veit ikkje _____.   |
| Kva tyder namnet ditt?        | Ingen veit _____.       |
| Korleis stavar han namnet?    | Carmen spør _____.      |
| Kor gammal er oldefaren min?  | Luisa veit ikkje _____. |
| Kvifor må vi ha det?          | Ingen forstår _____.    |
| Kor mange bøker har dei lese? | Læraren vil vite _____. |
| Når er Noregs nasjonaldag?    | Han vil vite _____.     |
| Korleis kjem han seg heim?    | Carmen spør _____.      |

Når spørjeordet er subjekt i setninga, må vi ha med **som**.

|                            |   |
|----------------------------|---|
| Kva skjer?                 | Eg vil vite <b>kva som</b> skjer.                 |
| Kven vann?                 | Eg vil vite <b>kven som</b> vann.                 |
| Kva for nokre sko er dine? | Eg vil vite <b>kva for nokre sko som</b> er dine. |
| Kva for ei jakke er di?    | Eg vil vite <b>kva for ei jakke som</b> er di.    |

## 7

**Set inn spørjeord som subjekt i leddsetninga.**

|                       |                                   |
|-----------------------|-----------------------------------|
| Carmen vil vite _____ | har knust vasen.                  |
| Luisa vil vite _____  | skjedde i går.                    |
| Arne lurar på _____   | kjem i kveld.                     |
| Eg veit ikkje _____   | er viktigast.                     |
| Leo lurar på _____    | vil spele fotball med han.        |
| Ingen veit _____      | bur her.                          |
| Carmen vil vite _____ | for ei bok _____ er hennar.       |
| Arne vil vite _____   | ringer på døra.                   |
| Læraren fortel _____  | verb _____ er a-verb.             |
| Ho forklarar _____    | setningar _____ er leddsetningar. |

## Adverbiale leddsetningar

Mange leddsetningar kan fylle plassen til eit adverbial. Derfor kallar vi desse for adverbiale leddsetningar:

Vi åt middag **klokka sju**. (adverbial)

Vi åt middag **då klokka var sju**. (adverbial leddsetning)

Adverbiale leddsetningar kan f.eks. fortelje om:

|                    |   |
|--------------------|---|
| <b>Årsak:</b>      | Carmen kjem ikkje <b>fordi ho er sjuk</b> .                 |
| <b>Tid:</b>        | Eg budde på Cuba <b>då eg var liten</b> .                   |
| <b>Motsetning:</b> | Han går tur kvar dag <b>sjølv om han er 90 år</b> .         |
| <b>Vilkår:</b>     | Eg skal reise jorda rundt <b>viss eg vinn ein million</b> . |

## 8

### Knyt saman setningane med *fordi*.

Carmen kjem ikkje. Ho er sjuk.

Carmen kjem ikkje fordi ho er sjuk.

Han kan ikkje lese. Han er 3 år.

\_\_\_\_\_

Luisa svarer ikkje. Ho er ute.

\_\_\_\_\_

Han ser ikkje. Han er blind.

\_\_\_\_\_

Postmannen skreik. Hunden beit.

\_\_\_\_\_

Eg må gå. Eg må på eit møte.

\_\_\_\_\_

Eg kjem ikkje heim no. Eg må handle.

\_\_\_\_\_

Han er i Noreg. Han skal arbeide her.

\_\_\_\_\_

## 9

### Lag setningar. Bruk subjunksjonane til venstre.

fordi \_\_\_\_\_

då \_\_\_\_\_

sjølv om \_\_\_\_\_

viss \_\_\_\_\_

slik at \_\_\_\_\_

dersom \_\_\_\_\_

sidan \_\_\_\_\_

**Verbal på plass nummer to**

Ei leddsetning kan kome først i ei setning. Det vil seie på første plass i skjemaet. (Sjå Heilsetning, s. 9.) Verbalet kjem alltid på plass nummer to, rett etter leddsetninga.

| 1. plass               | 2. plass     | resten av setninga |
|------------------------|--------------|--------------------|
| Då eg var liten,       | <b>budde</b> | eg på Cuba         |
| Sjølv om han er 90 år, | <b>går</b>   | han tur kvar dag.  |

**Merk!** Når leddsetninga kjem først i ei setning, set vi komma etter leddsetninga.

10

**Start med leddsetninga først.**

Eg skal reise jorda rundt viss eg vinn ein million.

Viss eg vinn ein million, \_\_\_\_\_.

Eg vil ikkje ha vatn sjølv om eg er tørst.

\_\_\_\_\_

Eg var ofte sjuk då eg var liten.

\_\_\_\_\_

Læraren vart sint fordi Leo ikkje hadde gjort leksene.

\_\_\_\_\_

Vi kjem til finalen viss vi vinn denne kampen.

\_\_\_\_\_

11

**Skriv setningane ferdig.**

Då eg var liten, \_\_\_\_\_.

Fordi eg er trøytt,

\_\_\_\_\_.

Sjølv om han er rik, \_\_\_\_\_.

Viss det blir fint vêr i morgon, \_\_\_\_\_.



## Som-setningar

Som-setningar fortel meir om eit anna ord i heilsetninga. Desse setningane blir innleidde med subjunksjonen **som**:

Eg besøkte **ein ven**. **Venen min** er sjuk.    Eg besøkte **ein ven som** er sjuk.

**Som** peiker tilbake på **ein ven**. **Som** fungerer som subjekt i leddsetninga.

12

### Gjer om til som-setningar.

Carmen har ein son. Sonen heiter Leo.

---

Vi har ein nabo. Naboen er 80 år gammal.

---

Vi bur i ein by. Byen heiter Ulsteinvik.

---

Vi bur på ein liten stad. Staden ligg ved kysten.

---

Når **som** ikkje er subjekt i leddsetninga, kan vi ta bort **som**:

Eg har kjøpt **ei bok**. Du kan låne **boka**.    Eg har kjøpt **ei bok (som)** du kan låne.  
Vi møtte **ein lege**. Vi snakka **med legen**.    Vi møtte **ein lege (som)** vi snakka **med**.

**Merk!** I det siste eksempelet kjem preposisjonen heilt til slutt i leddsetninga.

13

### Gjer om til som-setningar

Arne har ein jobb. Han liker jobben.

---

Vi leiger eit hus. Kommunen eig huset.

---

Naboen har ein baby. Luisa passar babyen.

---

Vi las eit eventyr. Eg har lese det før.

---

Vi skal sjå ein film. Alle snakkar om filmen.

---

Vi besøkte byen. Familien din bur i byen.

---

Arne har ei kone. Du må helse på henne.

---

Eg har eit rom. Vi har pussa opp rommet.

---

## Ordstilling i leddsetningar

Ordstillinga i leddsetningar er forskjellig frå ordstillinga i heilsetningar. I leddsetningar kjem subjektet rett etter subjunksjonen, og adverbialet kjem **før** verbalet:

| 1                  | 2              | 3                        | 4             | Resten av setninga |
|--------------------|----------------|--------------------------|---------------|--------------------|
| <b>subjunksjon</b> | <b>subjekt</b> | <b>setningsadverbial</b> | <b>verbal</b> |                    |
| at                 | han            | ikkje                    | liker         | fisk.              |
| fordi              | han            | alltid                   | kjem          | for seint.         |
| som                | eg             | ikkje                    | kjenner.      |                    |

14

**Set inn adverb på rett plass i leddsetningane.**

ikkje            Han seier at han kan snakke spansk.

---

ofte             Carmen fortel at ho tenkjer på heimlandet.

---

aldri            Det er rart at ho har sett snø.

---

gjærne         Eg er sikker på at dei vil ha mat når dei kjem.

---

15

**Gjer heilsetningane om til leddsetningar.**

Carmen kjem ikkje.                            Han seier at \_\_\_\_\_.

Leo vil ikkje leggje seg.                      Han seier at \_\_\_\_\_.

Han har aldri tid.                                Han seier at \_\_\_\_\_.

Elevane forstår ikkje.                        Han seier at \_\_\_\_\_.

Kvifor kjem ikkje Carmen?                 Han spør \_\_\_\_\_.

Skal dei ikkje ha pause?                      Han spør \_\_\_\_\_.

Kvifor må alltid eg gjere det?               Han spør \_\_\_\_\_.

**SVA og SAV**

For å hugse ordstillinga i heilsetningar og leddsetningar kan ein bruke denne regelen:

**SVA** er heilsetningsordstilling.**SAV** er leddsetningsordstilling.

| Heilsetning |      |        |            | Leddsetning |     |        |      |            |
|-------------|------|--------|------------|-------------|-----|--------|------|------------|
| S           | V    | A      |            | subjunksjon | S   | A      | V    |            |
| Han         | rekk | ikkje  | bussen     | fordi       | han | alltid | kjem | for seint. |
| Han         | kjem | alltid | for seint. |             |     |        |      |            |

16

**Knyt saman setningane.**

Han hadde ikkje mykje tid. Han ville besøkje mormora si.

Sjølv om \_\_\_\_\_, \_\_\_\_\_.

Ho kjenner ikkje nokon. Ho vil ikkje flytte.

Sjølv om \_\_\_\_\_, \_\_\_\_\_.

Prøva var ikkje vanskeleg. Ho klarte ikkje prøva.

Sjølv om \_\_\_\_\_, \_\_\_\_\_.

Vêret er ofte dårleg. Dei liker seg her.

Sjølv om \_\_\_\_\_, \_\_\_\_\_.

Han er berre tre år. Han kan lese.

Sjølv om \_\_\_\_\_, \_\_\_\_\_.

17

**Gjer om til som-setningar.**

Vi held på med ei grammatikkoppgåve. Grammatikkoppgåva er ikkje vanskeleg.

\_\_\_\_\_

Luisa har ein bror. Broren spelar ofte fotball.

\_\_\_\_\_

Dei snakkar eit språk. Eg forstår ikkje språket.

\_\_\_\_\_

Kari har ei syster. Eg kjenner ikkje systera.

\_\_\_\_\_

Dei har ein onkel. Onkelen kjem aldri på besøk.

---

Vi har ein ven. Venen kan dessverre ikkje kome.

---

Leo har ein mobiltelefon. Han snakkar alltid i mobiltelefonen.

---

Naboen har ein baby. Luisa sit ofte barnevakt for babyen.

---